

զգրուես քաղաքիս և եղին պահապանս մեծաւ զգուշութեամբ պահել, որպէս ոչ էր հնար ումեք անցանել ի դրանցն կամ հանել զմեռեալ և տանել ի թաղումն: Յայնժամ ըստ կամաց իւրեանց մեծամեծք եէնկիւնքերոցն կարգեցին զօրագլուխ, նախարար և դատաւոր ի միջի իւրեանց և եղին վէզիր զՍօֆի Մէհէմէտ փաշան, որ էր տէֆթէրտար, և տէֆթէրտար արարին (պաշա), և եէնկիւնք արասի՝ զՄուրատ արան, և զայլ մեծամեծսն մինչև ցփոքունս: Եւ առաքեցին առ թագաւորն որսալ բան ինչ ի բերանոյ նորա, որպէս թէ հաւա^ն իցէ արարմանց նոցա: Եւ վասն երկիւղի նոցա ընկալաւ զնոսա թագաւորն և զլաթեալ առ տեղիս իւրեանց առաքեաց և դադարեցան յայնժամ ի խռովութենէ: Իսկ ի միւսում առաւօտու Շաբաթի աւուր (28 Յուլէ) վերստին գումարեցան ի նոյն տեղւոյ, որ ասի Օրթայ ճամի, և գրոհ տվեալ յայնժամ առ հասարակ, որպէս ի միոյն բերանոյ մեծաւ հանդիսիւ սկսան զեռալ և ընթանալ զօրքն ամենայն նիզակաբարձք և վաղակապատք սասցերովդ (?) քաղաքիս զեղուն ընթանային, մինչ զի տեսողացն սալարեալ սարսէին սակս իրացն զինչ լինելոյն: Եւ եկեալ խուռն ամբոխիւ հասին ի ժամադրեալ տեղիսն՝ լայնատարած և մեծասարաս աղօթարանն իւրեանց, որ կոչի Եէնկի ճամի՝ ի կողմս արեւելից շինեալ Սուլթան յԱհմէտէ հօրէն Իպրահիմի, որ է հանդէպ պալատի թագաւորին. յորում սրահի կայացեալ կայ ի Յունաց՝ ի տեղի ձիւնթաց ասպարիսին այն արձանս եռակ. մինն բարձր քարահիւս շինեալ, որ երկայնութիւն ունի իբր մարգաշափս եօթանց. և երկրորդն խոնարհ քան զնա քար^(*) և փերթ կանգնեալ ի վերայ չորից ոտից քաննց շինեալ ի Թէոդոսէ. և երրորդն ի նոցանէ է պղնծի

(*) Լուս. զէմ մի: